

Амаллар сандиғи



19:20 / 25.10.2023 3030

Амаллар сандиғи

Унда ёлғиз бўласиз!

Абу Ҳайён Тавҳидий роҳимаҳуллоҳ ўзининг «Ал-басоир ваз-заҳоир» номли китобида келтиради:

«Димашқдаги бир қабрни устида шундай деб ёзиб қўйилганини кўрдим:
«Бу ер яхшилик қилганлар учун қандай ҳам яхши жой!».

Агар кимдир мендан қабрларни бирор ном билан номлашни талаб қилса

мен қабрни «Амаллар сандиғи» деб номлаган бўлар эдим.

Бизга кичкина, тор, қоронғу, қўрқинчли ва хавфли кўринадиган жой кимдир учун жаннат боғларидан бир боғ бўлиши ҳам мумкин.

Биз йўқотган яқинларимиз учун бир неча кунгина йиғлаймиз. Аммо улар дунёдан қутилганларига хурсанд бўлишади.

Қабр қоронғудир. Уни Қуръон тиловати ва ибодатлар билан ёритайлик.

Қабр қўрқинчлидир. Уни садақаларимиз билан хотиржамлик маконига айлантирайлик.

Қабр тордир. Уни кўнгилларни олиш билан кенгайтирайлик.

Дунёдан топган бирор нарсамизни қабрга олиб кета олмаймиз. Фақатгина қилган яхшиликларимиз биз билан қабрга киради!

Абдулқодир Полвонов

Ушбу мақола Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2023 йил 11 августдаги 03-07/6522-рақамли хулосаси асосида тайёрланди.